

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANCIJA
FEDERALNO MINISTARSTVO FINANSIJA
SARAJEVO

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF FINANCE
SARAJEVO

Broj: 05-02-5-149/20
Sarajevo, 28.02.2020. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
N/r Sekretara

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priloga	10-03-2020		
Na jed.	Broj	Priloga	Vrijednost
05/2	- 02 - 296	/ 19	

PREDMET: Odgovor na delegatsko pitanje, dostavlja se

VEZA: Vaš akt broj: 05/2-02-296/19 od 27.12.2019. godine

Poštovani,

U vezi sa Vašim aktom, broj i datum gornji, koji se odnosi na delegatsko pitanje koje je na 4. sjednici Doma naroda Parlamenta Federacije Bosne i Hercegovine, održanoj 19.12.2019. godine, postavio uvaženi delegat Aner Žuljević, obavještavamo Vas da smo isti blagovremeno prosljedili na dalje nadležno postupanje Finansijskoj policiji Federacije BiH, koja je svojim aktom broj: 14-03-02-03/4-14-9-1-1/20 od 25.02.2020. godine dostavila odgovor na postavljeno delegatsko pitanje, a koji Vam dostavljamo u prilogu.

S poštovanjem,

Prilog: kao u tekstu

Dostavljeno:


1. Naslovu
2. Vlada Federacije BiH
3. Finansijska policija Federacije BiH
4. a/a





Broj: 14-03-02-03/4-14-9-1-1/20
Sarajevo, 25.02.2020. godine

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA-FINANSIJA
SARAJEVO



PREDMET **Odgovor na delegatsko pitanje, dostavlja se**
VEZA **Vaš akt, broj: 05-02-5-112/20, od 10.01.2020. godine**

Poštovana,

Temeljem odredaba člana 22. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj: 35/05), organi uprave su obavezni „pripremati i davati odgovore na pitanja organa zakonodavne, odnosno organa izvršne vlasti koja se odnose na izvršavanje zakona i drugih propisa iz njihove nadležnosti, te o stanju i problemima u oblasti za koju su organi uprave osnovani, kao i davati odgovore na upite pravnih i fizičkih osoba, u svezi s rješavanjem njihovih prava i dužnosti u upravnom postupku“.

Stoga, slijedom sadržaja vašeg zahtijeva broj i datum veze koji se odnosi na delegatsko pitanje koje je na 4. sjednici Doma naroda Parlamenta Federacije BiH postavio delegat Aner Žuljević, izvršili smo uvid u spise predmeta koji se odnosi izvršeni inspekcijski nadzor/kontroлу privrednog društva Aluminij d.d. Mostar za period 01.01.2011. do 31.12.2013. godine. Uvidom u spise krivičnih predmeta smo utvrdili da su ovlaštena službena lica temeljem utvrđenih činjenica i prikupljenih dokaza sačinila 9 (devet) izvještaja o postojanju osnova sumnje o počinjenim kaznenim djelima i počinocima.

S obzirom na sadržaj postavljenog delegatskog pitanja gospodina Anera Žuljevića, u nastavku dajemo hronološki presjek sadržaja sačinjenih izvještaja koji su sa pripadajućom privremeno oduzetom dokumentacijom, dostavljeni Kantonalnom tužilaštvu HNK sa posljednjim informacijama o njihovom trenutnom statusu, kako slijedi:

1. Izvještaj o postojanju osnova sumnje o počinjenim kaznenim djelima i počinocima broj: 14-03-03/4-03/2-03/5-19-953-16/13 od 16.10.2015. godine protiv dvije fizičke osobe iz privrednog/gospodarskog društva „Aluminijum“ d.d. Mostar, sa privremeno oduzetom dokumentacijom, je dostavljen Kantonalnom tužilaštvu/tužiteljstvu HNK Mostar, 22.10.2015. godine. Izvještaj tretira „suspektnu prodaju lučkog mobilnog utovarivača“. Ovlaštena službena lica /inspektori Financijske-Financijske policije su u postupku identificirala imovinsku štetu nastalu realizacijom navedenog posla za privredno/gospodarsko društvo „Aluminij“ d.d. Mostar u iznosu od 950.323,46 KM. Nakon nešto više od 2 (dvije) godine, tužilac

Kantonalnog tužilaštva je donio Naredbu o neprovođenju istrage broj: T07 O KTPO 00 13537 15 od 30.11.2017. godine;

2. Izvještaj o postojanju osnova sumnje o počinjenim kaznenim djelima i počinocima broj: 14-03-03/4-03/2-03/5-19-953-17/13 od 26.10.2015. godine, protiv 3 (tri) osobe, sačinjen je od strane ovlaštenih službenih osoba i sa privremeno oduzetom dokumentacijom, isti je dostavljen Kantonalnom tužilaštvu/ tužiteljstvu HNK Mostar, 29.10.2015. godine. Izvještaj i dokumentacija tretira: „nezakonito oslobađanje od plaćanja obveza privrednog/gospodarskog društva na ime poreza i doprinosa koji su trebali biti prihod fondova i budžeta/proračuna lokalne zajednice (stjecanje dionica od strane uposlenika privrednog/gospodarskog društva iz osnova neisplaćenih plaća “. Identificirana imovinska korist za privredno godspodarsko društvo „Aluminij“ d.d. Mostar, na ime nezakonitog oslobađanja plaćanje poreza i doprinosa koji su prihod fondova i budžeta/proračuna lokalne zajednice, u iznosu od 41.106.150,87 KM. Nakon 14 (četnaest) mjeseci, tužilac Kantonalnog tužilaštva/tužiteljstva donosi Odluku o neprovođenju istrage, broj: T07 O KTPO 0013626 15, od 29.12.2016. godine. Sadržajem zahtjeva, broj: T07 O KTPO 0013626 15 od 12.10.2016. godine, Kantonalno Tužilaštvo HNK od Financijske-Financijske policije traži pribavljanje i dostavljanje dodatnih subjektivnih dokaza. Slijedom zahtjeva Tužilaštva ovlaštena službena lica Financijske-Financijske policije su uzela izjave od osumnjičenika sačinivši izvještaje i zapisnike o saslušanju 17.11.2016. godine;
3. Izvještaj o postojanju osnova sumnje o počinjenim kaznenim djelima i počinocima broj: 14-03-03/4-03/2-03/5-19-953-18/13 od 03.11.2015. godine, protiv 6 (šest) osoba, sa privremeno oduzetom dokumentacijom dostavljen je Kantonalnom tužilaštvu/ tužiteljstvu HNK Mostar 10.11.2015. godine. Izvještajem je tretirano: „suspektno stjecanje police životnog osiguranja (isprava o ugovoru o životnom osiguranju) kod identificiranog osiguravajućeg društva i konzumiranje prava iz polica osiguranja kojim su dvije prijavljene osobe načinila imovinsku štetu privrednom/gospodarskom društvu Aluminij d.d. Mostar u iznosu od 316.475,94 KM i omogućili drugima stjecanje imovinske koristi u istom iznosu. Nakon ocjene utvrđenih činjenica i prikupljenih dokaza Tužiteljstvo je donijelo dvije odluke o neprovođenju istrage, broj: T07 O KTPO 0013949 16 (od 14.10.2016) i broj: T07 O KTPO 0013949 17 2 (od 03.06.2019. godine). Financijska-Financijska policija je podnijela pritužbu, broj: 14-03-02-03/4-03/2-03/5-14-953-18-3/13, od 27.01.2017. godine, uredu tužitelja Kantonalnog tužilaštva HNK, a odlukom ureda tužitelja, broj: T11 O KTA 0002639 17, od 30.03.2017. godine, prihvaćen je zahtjev Finansijske-Financijske policije za preispitivanje odluke. Slijedom odluke ureda tužitelja, postupajući tužitelj je Finansijskoj-Financijskoj policiji dostavio zahtjev za prikupljanje informacija i dokaza, broj T07 O KTPO 0013949 17 2 od 09.05.2017. godine, vezano za radnje omogućavanje otkupa polica osiguranja određenim uposlenicima privrednog/ gospodarskog društva. Donesene je odluka broj: T07 O KTPO 0013949 17 2 od 09.05.2017. godine, kojom je prihvaćen zahtjev za preispitivanje odluke o neprovođenju istrage. Financijska-Finansijska policija je aktom, broj: 14-03-02-03/4-14-953-18-6-2-/13 od 06.06.2019. godine, uredu tužitelja uložila pritužbu na Odluku tužioca o neprovođenju istrage. Do sačinjavanja ovog odgovora na delegatsko pitanje nije dostavljena tužilačka odluka po pritužbi Financijske policije FBiH

4. Izvještaj o postojanju osnova sumnje o počinjenim kaznenim djelima i počinocima broj: 14-03-03/4-03/2-03/5-19-953-19/13 od 15.12.2015. godine, protiv 9 devet osoba koji je dostavljen je Kantonalnom tužilaštvu/tužiteljstvu HNK Mostar, 22.12.2015. godine. Izvještajem su tretirane: „suspektne kupoprodaje nekretnina i zamjena stanova“. Izvještajem je identificirana pričinjena imovinska šteta za privredno/gospodarsko društvo u iznosu od 512.330,04 KM i imovinska korist za privavljena lica u istom iznosu. Tužilac je sadržajem Naredbe, broj: T07 0 KTK 0015208 16, nakon 12 (dvanaest) mjeseci, donio odluku o neprovođenju istrage. Međutim, Tužilaštvo je zatražilo od Finansijske-Financijske policije (pod br. T07 0 KTK 001529/0/8 16 od 24.03.2016. godine), da uzme izjave od određenih osobe iz privrednog/gospodarskog društva na definisane okolnosti.

Vežano za kupoprodaju nekretnina, sadržaj izvještaja je tretirao zaključivanje štetnog ugovora na ime prodaja nekretnina (poslovni prostor) za 594.285,24 KM, iako je ugovorena kupoprodajna cijena od 719.269,48 KM. Tužilaštvo smatra da se krivično gonjenje ne može provesti.

Istim Izvještajem je tretirana i suspektna zamjena stanova nesrazmjerne vrijednosti bez prethodne procjene vrijednosti istih. Naredbom o obustavi istrage, broj: T07 0 KTK 0015208 16, od 15.12.2016. godine, Kantonalno tužilaštvo HNK je obustavilo istragu jer je nastupila relativna zastara, odnosno jer osumnjičeni nisu počinili krivično djelo za koje se terete.

5. Izvještaj o postojanju osnova sumnje o počinjenim kaznenim djelima i počinocima broj: 14-03-03/4-03/2-03/5-19-953-21/13, od 24.02.2016. godine, protiv 8 (osam) osoba, sa privremeno oduzetom dokumentacijom, dostavljen je Kantonalnom tužilaštvu/ tužiteljstvu HNK Mostar, 02.03.2016. godine. Izvještajem je tretirana: „suspektna demontaža i prodaja postrojenja Glinica“. Sadržajem izvještaja je identificirana imovinska šteta za privredno/gospodarsko društvo u iznosu od 2.383.319,20 KM i ostvarena imovinska korist za privredno/gospodarsko društvo koje je realiziralo suspektnu demontažu i prodaju postrojenja Glinica u iznosu od 2.383.319,20 KM.

Kantonalno tužilaštvo HNK je temeljem sadržaja izvještaja, Financijskoj-Financijskoj policiji dostavilo zahtjev za poduzimanje određenih radnji dokazivanja, broj: T07 KTK 0016004 16, od 25.10.2017. godine. Ovlaštene službene osobe Finansijske-Financijske policije su uzele izjave od dvije osobe i sačinili zapisnike o saslušanju istih. Temeljem zahtjeva Tužilaštva T07 0 KTK 0016004 od 30.08.2019. godine, ovlaštena službena lica/inspektori Finansijske-Financijske policije su privremeno oduzeli originalnu dokumentaciju, o čemu su uredno sačinjene potvrda i zapisnik o izuzimanju. Tužilac je pod brojem: T07 0 KTK 0027057 19, od 04.11.2019. godine, nakon 3 (tri) godine i 8 (osam) mjeseci od podnošenja Izvještaja o osnovama sumnje o počinjenim kaznenim djelima i počinocima, donio odluku o neprovođenju istrage, koja se odnosi na članove Povjerenstva za izbor najpovoljnije ponude za rezanje glinice, uz napomenu da će se donijeti posebna tužilačka odluka za ostale osumnjičene. U vezi navedene odluke, ovlaštena službena lica/inspektor Finansijske-Financijske policije su

dostavili izjašnjenje glavnom inspektor, navodeći da se članovi Povjerenstva obzirom na utvrđene činjenice i prikupljene dokaze ne mogu amnestirati od odgovornost za radnje navedene u Izvještaju, te da je tužitelj eventualno mogao dati drugu kvalifikaciju kaznenog djela. Slijedom navedenog Financijska-Financijska policija je Uredu tužitelja podnijela Pritužbu, broj: 14-03-03/4-03/2-03/5-19-953-21-4-1/13, od 14.11.2019. godine, u kojoj se ističe da postupajući tužilac, neobjektivno cijeno i vrednovao utvrđene činjenice i prikupljene dokaze i u obziri samo one koji idu u korist dijela prijavljenih osoba. Do sačinjavanja ovog odgovora na delegatsko pitanje nije dostavljena tužilačka odluka po pritužbi Financijske policije FBiH

6. Izvještaj o postojanju osnova sumnje o počinjenim kaznenim djelima i počinocima broj: 14-03-03/4-03/2-03/5-19-953-26/13, od 31.03.2016. godine, protiv jedne osobe sa privremeno oduzetom dokumentacijom je dostavljen na ocjenu i dalje postupanje Kantonalnom tužilaštvu/tužiteljstvu HNK Mostar, 04.04.2016. godine. Izvještaj tretira: „suspektne isporuka lož ulja od strane favoriziranog dobavljača“. Sadržajem izvještaja je identificirana imovinska šteta za privredno/gospodarsko društvo u iznosu od 54.259,79 KM. Slijedom dostavljenog izvještaja postupajući tužitelj je dostavio Finansijskoj-Financijskoj policiji zahtjev za poduzimanje radnji dokazivanja, broj T07 O KTK 0016855 16, od 25.10.2017. godine. Nakon toga, tužitelj Finansijskoj-Financijskoj policiji dostavlja obavijest o neprovođenju istrage broj T97 O KTK 0016855 16, od 26.03.2019. godine, jer smatra da ne postoje osnovi sumnje da je prijavljeni počinio krivično djelo Zloupotreba položaja ili ovlaštenja iz člana 252. stav 1 KZ FBiH. Nezadovoljna odlukom postupajućeg tužitelja, Financijska-Finansijska policija je uložila pritužbu uredu tužitelja, broj: 14-03-02-03/4-03/2-03/5-14-953-26-5/13, od 09.04.2019. godine. Do sačinjavanja ovog odgovora na delegatsko pitanje, nije dostavljena tužilačka odluka po pritužbi Financijske-Financijske policije;
7. Izvještaj o postojanju osnova sumnje o počinjenim kaznenim djelima i počinocima broj: 14-03-03/4-03/2-03/5-19-953-27/13 od 26.04.2016. godine, protiv 4 (četiri) osobe sa privremeno oduzetom dokumentacijom je dostavljen Kantonalnom tužiteljstvu HNK Mostar, 04.05.2016. godine. Sadržajem izvještaja su tretirani „troškovi reprezentacije koji nisu učinjeni u poslovne svrhe“. Nadalje, sadržajem navedenog izvještaja idntificirana je imovinska šteta za privredno/gospodarsko društvo u iznosu od 17.777,56 KM. Dana 08.07.2016. godine, FP dostavlja Tužilaštvu Zahtjev za izdavanje Naredbe suda (broj: 14-03-03/4-14-953-27-2/13), s ciljem privremenog izuzimanja dokumentacije od SIP d.o.o. Mostar i Aluminij d.d. Mostar, koja će poslužiti kao zakoniti i vjerodostojni dokazi u daljem toku krivičnog postupka. Općinski sud u Mostaru je donio dvije naredbe (Naredbu broj 58 K 180319 16 Kpp od 13.06.2016 za privremeno oduzimanje dokumentacije od privrednog/gospodarskog društva i Naredbu broj 58 K 180319 16 Kpp 2 od 13.06.2016) za privremeno odzuzimanje dokumentacije od privrednog/gospodarskog društva (dobavljača). Temeljem sadržaja zahtjeva Tužilaštva HNK, broj: T07 O KTPO 0017540 16, od 28.06.2017), ovlaštene službene osobe/inspektori Financijske-Finansijske policije su izvršili prikupljanje dokaza-dokumentacije, a temeljem analize istih, sačinjen je Izvještaj broj: 14-03-03/4-03/2-03/5-19-953-27-4-11/13, od 21.09.2018. godine, kojim je, između ostalog,

utvrđeno da je iz poslovnog odnosa sa dva privredna/gospodarska društva u periodu od 2005. do 2012. godine, za privredno/gospodarsko društvo „Aluminij“ d.d. Mostar nastala imovinska šteta od najmanje 311.952,23 KM, a u istoj vrijednosti privredno/gospodarsko društvo (dobavljač) je ostvario imovinsku korist.

8. Izvještaj o postojanju osnova sumnje o počinjenim kaznenim djelima i počiniocima broj: 14-03-03/4-03/2-03/5-19-953-28/13, od 25.05.2015. godine, protiv 11 (jedanaest) osoba, dostavljen je Kantonalnom tužilaštvu/ tužiteljstvu HNK Mostar, dana 31.05.2016. godine.

Sadržajem navedenog izvještaja su temeljem utvrđenih činjenca i prikupljenih dokaza tretirani slijedeći suspektni poslovni događaji:

- Neutemeljene isplate dnevnica za službeno putovanje u inostranstvo umjesto terenskog dodatka, na koji način su određene osobe iz privrednog/gospodarskog društva „Aluminij“ d.d. Mostar nezakonito ostvarile imovinsku korist u iznosu od 53.713,00 KM, za koji iznos je oštećeno privredno/gospodarsko društvo Aluminij d.d. Mostar,
- Zaključivanje Aneksa na Ugovor o prevozu radnika privrednog/gospodarskog društva unutar kruga društva, čime su se neopravdano uvećali rashodi poslovanja privrednog/gospodarskog društva za period od 8 (osam) mjeseci 2011. godine u iznosu od 80.000,00 KM,
- Zaključivanje Aneksa na Ugovor sa Zavodom za elektrostrojarstvo i automatizaciju Fakulteta elektrotehnike i računarstva u regiji radi izrade strategije izgradnje nove termoelektrane u iznosu od 102.047,97 KM iako su organi upravljanja znali da dugoročno nisu sposobni realizirati aktivnosti stipulirane sadržajem sačinjene strategije za izgradnju nove termoelektrane. Na opisani način privrednom/gospodarskom društvu je nanesena imovinska šteta u iznosu od 102.047,97 KM,
- Zaključivanje, očigledno, štetnih ugovora (Osnovni ugovor i anekse Osnovnom ugovoru) sa identificiranim društvom za reviziju iz Sarajeva o obavljanju usluga financijskog savjetovanja u postupku prodaje 88% kapitala privrednog/gospodarskog društva „Aluminij“ d.d. Mostar. Naime, sadržajem odredaba zaključenog Ugovora, regulisano je da će, u slučaju primitka bar jedne ponude koja će zadovoljavati osnovne uvjete natječaja i ne zaključenja transakcije u roku od 6 (šest) mjeseci od primitka ponude, društvo za reviziju imati pravo na naknadu od 200.000,00 EUR-a. Pored navedenog, za određene poslove privredno/gospodarsko društvo za reviziju angažuje vanjske saradnike (odvjetnike iz Zagreba i Sarajeva) za čiji angažman su sa privrednim/gospodarskim društvom zaključeni aneksi ugovora. Za navedene poslove identificirano društvo za reviziju iz Sarajeva je po zaključenim aneksima ugovora, gospodarskom društvu „Aluminij“ d.d. Mostar, fakturiralo, a privredno/gospodarsko društvo je platilo 196.795,64 KM (sa PDV-om) i pored činjenice da je moguća angažiranost vanjskih saradnika navedena u javnom pozivu za javno nadmetanje za pružanje konsultantskih usluga u procesu prodaje kapitala u vlasništvu privrednog/gospodarskog društva „Aluminij“ d.d. Mostar i Vlade FBiH, te je ista adekvatno bodovana kao jedan od kriterija za ocjenu prispjelih ponuda, pa su, s obzirom na transparentna i

jasna pravila uspostavljena sadržajem javnog poziva, dodatno izvršene usluge vanjskih saradnika, koje je angažiralo društvo za reviziju iz Sarajeva, trebale biti plaćene od strane društva za reviziju, a ne privrednog/gospodarskog društva „Aluminij“ d.d. Mostar. Zaključivanjem, po gospodarsko društvo, štetnog Anexa ugovora, autorizacijom i plaćanjem faktura za dodatne konsultantske usluge, privredno/gospodarsko društvo „Aluminij“ d.d. Mostar je svjesno i s namjerom oštećeno za 196.795,64 KM, a u istom iznosu imovinsku korist je ostvarilo društvo za reviziju iz Sarajeva, koje je bez zaključivanja Anexa trebalo platiti konsultantske usluge iz cijene zaključenog osnovnog Ugovora.

Ukupna identificirana imovinska šteta u ovom izvještaju o počinjenim kaznenim djelima i počinocima iznosi 632.549,61 KM.

Tužiteljstvo, je sadržajem akta, broj: T07 0 KTPO 0018152 16, od 14.11.2019. godine od Finansijske-Financijske policije traži dostavljanje originalnih dokaza za predmetni izvještaj (originalnu dokumentaciju i evidenciju). Slijedom zahtijeva Tužiteljstva ovlaštena službena lica su privremeno oduzela originalnu dokumentaciju i o tome su sačinili potvrda o privremenom oduzimanju broj: UP/I-14-03/4-4.4-4.1-14-1/19 i zapisnik o privremenom oduzimanju dokumentacije broj: UP/I-14-03/4-4.4-4.1-14-2/19. Privremeno oduzeta dokumentacija i evidencija je zapečaćena i uz akt, broj: 14-03-03/4-03/2-03/5-14-953-28-3-1/13 od 24.12.2019. godine, uredno predata Tužiteljstvu na dalji postupak. Do sačinjavanja ovog odgovora na delegatsko pitanje Financijskoj-Financijskoj policiji nije dostavljena tužilačka odluka.

9. Izvještaj o postojanju osnova sumnje o počinjenim kaznenim djelima i počinocima broj: 14-03-03/4-03/2-03/5-19-953-29/13, od 15.09.2016. godine, sa privremeno oduzetom dokumentacijom je dostavljen Kantonalnom tužilaštvu/tužiteljstvu HNK Mostar 21.09.2016. godine. Izvještaj činjenično tretira „davanje i povrat suspektnih pozajmica određenim privrednim društvima“. Sadržajem navedenog izvještaja identificirana je pričinjena imovinska šteta za privredno/gospodarsko društvo, u iznosu od 4.078.977,48 KM i nezakonito stečena imovinska korist za zajmodavce. Naime, zaključivanjem „suspektnih“ ugovora, odnosno uzimanjem pozajmica od određenih gospodarskih društava, te njihovim vraćanjem putem kompenzacija sa aluminijskim proizvodima, pri čemu je ugovorena cijena aluminijskih proizvoda bila, najčešće niža od cijene na svjetskom tržištu, za privredno/gospodarsko društvo Aluminij d.d. Mostar nastala je identificirana nezakonito pričinjena imovinska šteta.

Sadržajem zahtjevam broj T07 0 KTK 0020402 16 od 30.08.2019. godine, tužitelj je od Finansijske-Financijske policije zatražio prikupljanje dokaza (originalne dokumentacije i evidencije). Originalna dokumentacija je privremeno oduzeta, o čemu su ovlaštene službene osobe/inspektori Finansijske-Financijske policije sačinili potvrdu o oduzimanju, broj: 14-03-03/4-14-602-2-1/19 i zapisnik o oduzimanju broj: 14-03-03/4-14-602-2-1/19 (od 12.09.2019. godine). Privremeno oduzeta dokumentacija je zapečaćena i uredno predata Tužiteljstvu na dalji postupak. Do sačinjavanja ovog odgovora na delegatsko pitanje Financijskoj-Financijskoj policiji nije dostavljena tužilačka odluka.

Također, vas podsjećamo da zbog odredaba Zakona o zaštiti podataka („Službeni glasnik BiH“, broj: 49/06, 76/11 i 89/11) izvještaj ne sadrži lične podatke prijavljenih lica niti se identificiraju pravna lica koja su učesnici tretiranih suspektih poslovnih događaja.

Ukoliko nakon prijema i čitanja sadržaja odgovora budete imali nejasnoća, dilema i/ili dodatnih pitanja predlažem vam da nas kontaktirate.

Dostavljeno:

- ↓ Naslovu,
- ↓ a/a



7 GLAVNI INSPEKTOR

Zufer Dervišević, dipl. iur.